



09850

崇蘭館集卷之一

雲間莫如忠子良甫著

門人

章憲文校

楊繼禮輯

五言古詩 四言併擬古樂府附

白雲謠

白雲皚皚知予之來駕言旋歸息乎崦嵫匪眷  
東土實惟子故

穆天子謠

崇蘭館集

卷之一

一

一百七十九

我觴既行汝駮既駕還視我師和洽諸夏豈難  
汝從從余中野

名都篇

翼翼邦畿惟民萃止紫樞正中通位帝紀絳闕  
瑤宮翬飛鱗次多士斯皇九流雜選轂擊肩摩  
日中之市越予小子來觀國光車旗禮器辟羅  
明堂駿奔在列濟濟踰踰抃會率舞樂胥無康  
我 明啓柞邁茲昌期祥風協應甘露繁滋皇  
輿求奠百祿攸宜願言矢頌以耀華夷



勗志詩

蟄蟲振翮斤鷄槍榆蛾子時術蒙鳩養愚蠕動  
之微尚靈於族矧伊人斯憇不是勗道若大路  
豈云難知弗思弗求是為棄之燦彼懸黎有如  
明月匪探重淵云何可掇既勤薜蘿乃亦有秋  
鏤而弗舍金石可鏤咨爾庶士若時靡懈冉冉  
馳暉盛年不再朝為蘭若夕為蕭艾不聞聖謨  
寸陰是愛百里之行半於九十累高務崇防落  
務植靡不有初鮮克終卒謂力弗任展也自畫  
崇蘭館集 卷之一  
二  
言五卷

贈劔

我有青萍其鐔雄伏求之千金悵弗忍鬻持贈  
夫君道以心曲斬蛟刺犀恣所意欲勿亡延津  
勿埋楚獄永言寶之式如金玉熒熒斗墟精光  
時燭倘俾爾思常著予目

過楚鳳山吟

楚歌易狂有酒盈觴  
羈人苦寒雨雪其滂  
憂來不飲若濟無梁  
式歌且舞聊以徜徉  
駕言行邁陟彼高岡  
臨流吊古喟焉沾裳  
鳳兮及爾將翔將翔  
青青子衿惠我好音  
入門覲止孰知我心  
惟山喻高惟水喻深  
亦又何求托此素琴

上陵

夫君住何許乃在山之陵  
下津路汗窳隨風躡  
陵競牽蘓爲余佩  
駟舛爲余軒  
羲和爲余策  
巫隆爲余迎  
我有匣明鏡  
黃金錯其英  
欲以貽所懷  
晞彼日月明  
陰雷忽翳之  
長路阻且傾  
睠彼赤翅鳥  
滄海以遐征  
願君億萬壽  
慰我擊壤情

巫山高

巫山高不極  
江流逝安適  
欲濟津無梁  
中心愴以奠  
故鄉杳何在  
目斷歸飛翼  
天長楚澤深  
相思夢魂隔  
願爲神女雲  
飄颻近君側

門有車馬客行

門有車馬客  
麗服耀晶鈎  
超乘驥意氣  
九陌恣遨遊  
日暮將安歸  
名姓列青樓  
卷輝燭銷  
延道



瑟間秦謳哀此窮巷，索君無匹雋鶉衣不隘。  
形脫栗恒不周出逢輕薄兒入息但懷憂瞿瞿。  
耻無聞歲月忽已適繁華洵爲美名滅同荒丘。  
富貴苟在天執鞭將焉求路人徒嗷嗷焉知彼  
所謀已矣勿復陳烈士多苦辛

雉子遊原澤篇贈陸少宰

雉子遊原澤園林非所任飲啄聊自適卑栖戀  
蹄泔仰見黃鵠舉矯矯凌千尋顧慙麥壘雉未  
聆寥廓音伊人秉高介振衣睇山岑屢招乍不  
崇蘭館集卷之二  
四一  
起華組薄秋陰揮手謝三事抱膝獨長陰席玆  
一何貴蓄德一何深大度越千古別有天壤襟  
區區沮溺徒亮節焉足欽

雜詩四首

鴻鴈西北來隨陽卜其宅游鯤順風翔千里振  
矯翮氣焰物所憑斂爾騁逸迹中林有羈禽一  
枝強栖息高雲鍛羽儀暮田不飽食匪必擇丘  
岵爰止聊自適類彼薄遊子踽踽志甘寂回首  
望要津榮名何赫奕軌轍一已殊人心邈焉隔

去去各有營申辭亦何益

二

曠覽周八埏狷行專一隅豈不異分量志適寧  
願餘朝登南山樵夕返西溪漁綠槐蔭歸路紅  
藻應時敷和歌行或偕獨徃神亦舒窮高怯嶇  
嶽眺遠倦縈紆居卑物靡忤知玄谷恒虛營營  
慕羶子處志多不愉德宅曠弗守末路將何如

三

東家有少女顏姣傾名都令儀曜迴雪轉盼揚

崇蘭館集

卷之一

五

三百五十五

橫波微蕪澤錦衾七寶懸流蘇明月雙垂鐙織  
羅燦華裾盛年嫁高門婉孌侍君闈貞心誓冰  
玉寧惜捐微軀一從去君側空閨守婺孤倏忽  
二十載春秋迺遷徂倚市豈不售媿彼秦羅敷  
千金買詞賦靡曼薄相如棄置昔共然妬寵寬  
名姝所希幸察識匪石誰能渝

四

弭節登高樓俯視郭門外車馬驚脩垆來者日  
皚皚重陰翳朝暎飄風翕然會蓬斷飛天空野



曠鳴虛籟舉目隔層阿吾將遠行邁欲濟津無  
梁鉛華詎相待豈不戀故丘出門覺途隘已矣  
行路難終然委蕭艾

別侯子舜舉

予乞官南部與舜舉爲別  
舜舉亦云欲乞南賦此

二鳥從南來飄颻隨風翻文采炫朝旭飲啄栖  
上闌豈不惜連枝致身霄漢間晨栖擇爰止暮  
或倦飛還形影當乖離憂來悵無端感君金石  
要永矢相追攀戕題字不滅貽我雙琅玕兩都  
並天造雙闕鬱雲盤江左盛文英遲爾南飛翰

崇蘭館集

卷之一

六

言八卷

始願終當諧合并諒非難

送王子汝脩揚子翼少二給諫募兵河南

山東

皇明盛文執武偃不復張雲中一失險雜虜遂  
縱橫甘泉照烽火穹廬薄城隍遇創殊死走枕  
尸盈路傍登埤賃市備格猛驅群羊養兵百年  
來國恩竟誰償天子赫震怒徵發無留良王  
生募臨淄揚子搜大梁千金得猛士桓桓奮鷹  
揚願欲一當百格虜擒名王丈夫四方志狗國



在邊疆無專職青瑣搯腕談慨慷

悼沈叅軍純甫

巖巖大山側有虎當路嵎啞人日不足格者無  
完膚伊人稟忠亮諤諤偉丈夫首非冠惠文法  
乃執金吾借劔於上方志欲剗儉膺力殫勢不  
埒自令投網羅履氷豈不戒大知乃若愚當熊  
豈不斃爲君遑恤軀昔我同袍友凋瘵日已多  
秦人賦黃鳥尼父嘆臨河乾坤有正氣兀然障  
頽波傷哉志不就涕泗揮滂沱我欲鳴斯冤天  
崇蘭館集 卷之一 七

遠無柰何

公讌詩

南宮啓豐宴獻歲發禎祥盛明翊文運肅肅賢  
羅張蘭臺聘時哲坐列金貂行叨陪尚書履接  
席晞清光華棖翼紫樞列饌盈瓊芳遷鶯度歌  
曲鳴鶴舞廻翔廣樂聆鈞天琴瑟間笙簧格行  
禮有節當懽戒無康逝將秉衡鑑爲國揚珪璋  
吾黨幸與榮端甫趨踰踰願頌太階平永祝皇



江上

令節屆清秋江樓啓高宴涼颼激空冥重雲覆  
廣衍游響沸絃歌音醴犧樽薦波紋漾淪漪山  
容寫恣藉蘭柵擊汰飛疾如躡驚電日入浮暝  
煙望舒忽相禪塗塗霜露零蕭瑟寒威淺未懷  
擊楫人飢髡情難遣

遊僊詩

陵茗無冬榮木薜不宿槁何如歲寒姿松栢常  
美矧矧伊智且靈憇不遺壽考羶穠溷神明憂  
思迫衰老嗜慾尋斧柯榮名喪其實曷不悟前  
期思玄觀道妙離塵解天殺披霞坐長嘯逍遙  
七真間縱浪八維表與化俱無窮下視彭篋天  
千秋旦暮齊學仙苦不早拘拘戀委形靡滅良  
足悼

畏途行九折負轅良獨艱念爾蹙蹙子壤壤不  
言還達人慕高潔冲舉青霞間衆真儼然列皓  
齒燦醜顏銖衣岌雲冠星幢九龍幡素女發雲  
璈金童翼飛軒誰云寡儔侶踽踽謝人寰不聞

高明生訪道入華山一遇安期子餌之九華丹  
白日凌矯翮形影不可攀

徐市無仙骨驅石獨安之漢武稱椎才豈悟文  
成欺仙靈洵何許彼愚徒蚩蚩吾將遠行邁負  
笻尋真師川浮窮委澳巘陟歷崔嵬絀馬登閭  
風稅駕入奄茲夷猶太霞標汗漫八空陲庶幾  
異人遇授我大藥資辛苦二十年欲往還只且  
安得赤龍御長揖與世辭

海虞觀吳公祠

崇虞館集

卷之一

九

一百五字

兩儀幹靈運文學在鄒魯褻然二三子含英萃  
中上爰自勾吳來餘風沿左語卓彼間氣豪宏  
朗邁千古負笈遠行遊依歸得尼父斷斷洙泗  
間吾道若大路昭回耿雲漢經緯彌寰宇伊誰  
導斯文流波日南注遂令江介區禮樂紛馳騫  
余本希賢徒未展平生慕桑梓歷遺墟俎豆觀  
章甫再拜景令儀徘徊不能去

出都還寄所知

中歲遭盛明朝榮濫軒冕再入含香班蘭署容



遊衍司存惟豆籩雅好在文翰十載竟何庸一  
命還投遠日暮理寒綈晨興履霜霰前期良阻  
修沿流還陟嶽操觚任所之矜昧聊獨遣平生  
任踈豁處心寡尤怨量乏懼為盈恩深厚承譴  
蘭馥被幽深桂榮厲徂宴羈人懷苦心敢受緇  
塵變勗矣崇令猷為謝當途彥

滄洲城北樓望海

岑構麗城陰疏櫺抗溟渤凭軒四望開神州渺  
窮髮陽侯鼓怒濤天吳來髣髴浴日乍洞沿驚  
崇蘭館集  
卷之一  
十一  
二頁八五奉  
颺俄涕滴膠戾天輪摧馮陵地維缺居卑百川  
匯含虛萬靈窟諒哉造化工精衛勞已竭如何  
巨寰區持將尾閭洩寸鮒沫涓流坎蛙多井濞  
嗤彼夸毗徒沾沾未濡沐

述別一首

繁霜薄秋旻歸鴻歲將暮我征無前期蕭條即  
長路一與家人辭出門涕如雨匪云行役勞但  
傷居者苦為養狗微祿我輒不得住朝還燕北  
都夕發江南渚瞻雲起遐思歷坂卻前步浮名

亦何庸絕裾寧不顧曷爲覩余顏媿彼烏返哺  
行行渺川途且焉復延佇安得忘憂花函之寄  
情悽

項王祠題烏江驛壁

周網解以頹力政橫四海逐鹿走群雄風雲倏  
然會楚跡奮彭城漢圖曜豐沛雖雉互相持兩  
大寧俱在師貞先伐謀道否行開秦追兵集崇  
朝蓋世資何賴轉戰七十餘一蹶俄奔駭誰爲  
艤舟人豈悟田畝給匪騅疲自今當塗失其轡  
激楚揚哀音指此情欣愛縷血汗江流吞聲振  
巖籟廟貌委丘墟乾坤有遺慨惜哉鴻門馘君  
王志何忼格猛踵不旋操鉛斷寧再端令千載  
間紛紛議成敗

崇蘭館集

卷之一

十一

二百五

余壬子之歲過楚霸王廟題此壁間踰二十  
年已巳余從巖卧起爲浙右使而粵石洲林  
君大春實視學於浙謂余曰某邇年道江上  
見霸王廟爲人跡往來之所前題剝落壁間  
某爲特留二日買木數株作欄護之無憾而



後行余知公始此余輾然曰噫士重知己信  
夫余自未交石洲而其用情若是且石洲所  
爲余片長錄者僅漫辭爾藉令余善有進於  
是而君得之覩聞所及其爲加護以成其美  
又當何如感而因附錄其作

附林學憲作

序云右西楚霸王廟舊題  
廟中業已有崔顥題詩在

上頭矣余後爲此得無類於  
窺豹之謂耶九月念六日

四壁歌聲起淒涼入楚宮  
清宵開武帳殺氣動長虹  
壯士泣俱下嬌姬曲未終  
重圍足馬

崇蘭館集

卷之一

十二

三百八十八

度百騎一朝空澤國身仍健  
田畝計亦工始知非力屈  
信乃是天窮子弟嗟亡比  
君王耻向東霸圖阨垓下  
遺恨失關中玉斗謀臣怒  
金甌漢將功蒼茫易代後  
寥落竟誰雄  
隨流水乾坤一楚弓  
諸陵翳禾黍古廟立崆峒  
峒山色彭城近川原豐沛通  
惟餘百戰地千古尚悲風

岳陽樓登眺

悠悠我行役歷此楚山川  
崇岡既萃律脩阪何

綿仟驅車倦遵陸稅駕憇臨淵飛甍麗朝景疏  
櫺薄雲煙凭高多所懷曠覽浩無前七澤互吞  
吐五谿相縈纏中流屹孤嶼隱約居聖仙我欲  
從之遊寤寐聆鈞天舟楫不可假騫騰路無緣  
諒乏羽化術耿介何由宣

楚中回車一首

寒冬月當季颼颼晨風翔嚴霜被中野百卉無  
遺芳四郊曠無屜江流但湯湯行役日以疲去  
路阻且長跼鳶望赤水迴鴈度衡陽牂牁萬餘  
崇蘭館集 卷之一  
十三  
里在昔淪鬼方風謠雜雕題皇輿間要荒功名  
詎可邀唱涕辭高堂翻然悟前期返棹涉江湘  
近開道蘧瑗峻阪回王陽思玄賦平子不材安  
蒙莊達人貴自我逐物均亡羊壤壤當路子示  
汝以周行歸與歲云暮憂思何能忘

冊几閣

往哲既淪云斯文亦云斲煨燼羸秦餘蕪漫稗  
官語遂煩博士求按自蟲魚蠹韋絕竟非完壁  
藏並傳誤於爍邁 皇明圖書開冊府海內覩



全經學士爭馳驚典墳倚相諳記載天官署煥  
煥七畧篇犁犁百家著人誇破冢遺家寶鳴金  
賦蹇余椎無聞敏求常好古先世有詒謀微言  
在緬素葆筭百年來王笈緘如故甲乙更屢讐  
殘闕還時補下帷自髫齡白首成儒腐茂先昔  
徙居載書十車富曼倩奏牘千公車僅能舉量  
乏二賢資直比農家諳媿彼金滿籬敢要封萬  
戶庶賢博奕心聊藉操鉛助

再入洛

崇蘭館集

卷之一

十四

一百四七

黃河界南紀洛邑古名都驅車駕言邁瞻望首  
陽阿昨來發春華今至凋霜柯逝者既已倦勞  
者亦已歌回首瞻京闕太行嵯以我君門遠萬  
里歲月忽蹉跎浮雲西北馳日暮憂思多

入關

入關此伊始轂函鬱秦都鄧公昔杖策終生曾  
棄符幡幡一耆老屹屹三勇夫閉門謝東顧說  
士揚其謨媿以蓬藿子緬懷斯人徒揮戈向白  
日緲馬臨路衢行行歷險巖舉世嘲其愚末路

豈無成吾志在桑榆

和曾學憲春日同遊一首

平生性疎豁諧世寡所宜廿年事嘉遯麋鹿相  
與期一行作吏來百務紛纏微對珪意不憚持  
牒力以疲青陽忽改候流光逝如斯驅車借所  
欽玩物迨芳時出郊騁遐矚草色何離離新禽  
鳴澗中群卉敷華滋亭輝翳圓景天際浮雲馳  
瑤篇互欣賞鉛槧相與携猥以樗櫟庸綽約披  
璫枝意氣千載要暢然歌莫疑

崇蘭館集

卷之一

十五

二百四三

附曾學憲詩

騁望出郭門褰帷任所之元氣自東豁周原  
曠無涯芳草含客心初綠淡華滋雲山互明  
滅黃鳥時能窺乘春走士女筐筥紛相持古  
意諒在野皇風洵可怡回睇薄領間日夕空  
何爲且得奉高駕頓鞭以逶迤一息如有獲  
將要千載期

贈萬左轄

達人邁熙運肅肅漸鴻儀令聞表三署高節誰



不羈神駒軼群志雕龍掞天姿出牧九州伯表  
儀庶僚師畫熊夾輪轂飛隼驚圻郊旬宣達民  
痼雨露遍膏施政成奏承明借寇綏黔黎翩翩  
振鷺容夙駕還只且會方陟鼎鉉三事待疇咨  
勒銘嵩嶽巔庶以徵遐思

與土子裕飲俞汝成所涇邑王郡伯亦至  
余感違離之久聚會之難口占有云一  
別三十年相見成隔世汝成因續成篇  
余三人各和一首

崇蘭館集

卷之一

十一

一別三十年相見成隔世同林感昔分敦好在  
未契出處道未齊歲月俄已逝薄遊類抵觸拙  
守慚鼯技行役倦路長銜杯散憂滯杖策偕清  
辰松筠叩幽翳偃蹇山中人彷彿巖下桂隱德  
令彌衍素心此重締何必藉絲竹操音諒無憊  
頽卒平生懽深衷繫分袂

附汝成作

一別三十年相見成隔世詎意停雲期適邁  
聚星契遠憶曲江花近覩春原棗方伯來汴

河郡守從涇瀝愧予與仲子久作棲遲計聚  
首復何言分袂有餘涕南北東西人吾儕豈  
匏繫忽復感萍蓬依依共延睇願言各努力  
出處俱善詣歷世更三旬重逢攬長袂

武吏部母畢六十壽

燕趙古名區遺風尚竒節士多任俠聞嬾抱貞  
心烈懿哉閨闈媛清芬蕙蘭茁憶爲君子侑媯  
嬾情欣悅琴瑟鳴以諧喟焉悼中閔茲矢永靡  
他栢舟志方絜茹恭耳若飴匪石堅靡裂豈不

崇蘭館集

卷之二

七

二百六

計同歸忍此如綫絕否極通還來岐嶷誕時哲  
婦道旣已終母勞亦云竭送往與卹居斯言兩  
無缺何以樹休聲璇題日行揭若歆鼎食榮秩  
弁琅函埒景福介修齡冲融邁耆耄寶婺燭宵  
光瑤池迓朝轍婉彼姑射群形神瑩冰雪遐蹤  
籍仙流微音播朝列圖將海嶽懸誦弁芻蕘擷  
願徵彤瑄編千秋字無滅

玉泉觀魚

竭來鳳林遊還向玉泉憩孤亭面嶽峯靈源泛



清止遊魚多且嘉五色燦文理望若炫雲霞就  
之辨鱸鮪滂瀆互相均差池亦鱗次乍看麗藻  
浮俄若馴波逝曰余久忘筌感物悟觀止樂將  
游衍俱心無去來滯豈乏任公綸腊之適東市  
神物詎可縻安行不驚餌曠彼造化功置之忽  
如棄已矣全其天羨者徒爲爾

同郭左使王大叅二丈泛湖值風雨異常  
廻棹賦此

方駕出城隅素心借所遇暫離簿領煩覽彼山

崇蘭館集

卷之一

十八

一百二

川趣是節朱明初林臯景風聚弱羽戲鳧鷗微  
芳展蘭蕙嘉會欣始從冥搜渺然去頓轡依崇  
阿陽舲驚脩渚歛驚氣候移晴陰迥前異原野  
扇狂飈有淦興雲雨四溟決迷禽千巖盡沉樹  
不辨樽壘間焉知寥廓處寒威薄絺綌跳波濺  
巾履未逢西子憐鼓却陽侯怒榜人不得操客  
子誰相顧媿以鴛鴦姿叨陪兩賢御郭公賙王  
公將子無怖懼王公肘莫生慎爾寧其宇行逢  
溪上翁一爲理前語廣我無生言因知達士軌

萬有皆狂華起滅由意慮不觀風波人日與風  
波偈順逆惟所如願乎目無覩手共承翊閒心  
稿虛舟喻

附王大參作

錢塘帝都會西湖地靈傑天目日夜輪神漢  
滙蒜穴山擁三面螺城彎半方霓謬余長五  
湖斯遊信所闕左相味紫薇右樞和白雪銀  
榼涪宮醪湘滕載珍飶籃輿日駘蕩皂蓋風  
飄瞥稍出清波門榜聲狎啼鵲色界紛送奇

崇蘭館集

卷之一

十九

二百八十三

目疲不得說舟子方進篙黃衫浪花擊俄然  
兩高墨頓使萬象涅天咲咳不收塊噫鼓中  
裂穀紋剪破碎鐵冠冒峨嶼羅刹怒欲翻鷺  
頭奮仍掣此輩逞狂恠西子頰不悅驟雨面  
面來蓬窓時時揭莫君如謝安塵尾手徐挈  
微謂郭長公雖奇泛宜輟仙舟固所慕角巾  
母乃折郭公笑王生此變為疇設昨夜真宰  
過頗畏靈秘洩袖君斲輪手更卷雕龍古不  
見羨陂行雷雨亦愁絕玉立山未頽鯨吞海



仍竭携與逼暮歸萬燎吐明滅

諸郡公春游登圓智寺以詩見遺和韻作  
君侯多道情自公日休暇省方及春耕言稅東  
林駕冥搜歷崇阿曠覽齊物化偶探方外蹤遂  
理無生話俛仰宇宙間超然空四大別徑轉幽  
深齋鐘近相迓蘿幌肅禪關琅函插高架信宿  
殊有綠胡床爲僧假興闌促歸徒倚杖懸崖下  
微雨變晴陰遙峯矗圖画行詠暢和風垂陰覆  
如夏夕暉散餘霞纖月遙林桂髯虎谿還飛

崇蘭館集

卷之一

十

三百五十四

流石橋跨那論五嶽遊縱浪窮岱華

周柳塘郡倅有從圓智寺度鍾買山道中

見村落絕類桃源志喜之作余悵莫從

和韻奉荅一首

武陵楚竒跡君家舊林泉却從剖符處誤覓桃  
花源忽往人境別依依見墟煙簪纓挂蘿壁衣  
帶青霞還余本放浪人濡跡滯郊廛因君騁遐  
躡悵望空懷仙

山行

詰且理輕策冥搜任情性偶窮山水源轉入藤  
蕪徑鷄犬自爲隣嘉禾被千畝珍木無凋柯風  
泉有清聽遽遽兩三翁蒙茸髮被頂招我盍來  
乎焚枯具杯茗暢以域外談頗矜山中勝俛仰  
千載蹤歛歛意彌競我聞心泠然遺世若漂梗  
諒哉聖仙徒始悟迷靈境所憂返吾廬滄桑變  
俄頃

曉矚

晞髮山之阿朝光泛朱明群苗鮮遺曜衆禽相  
與鳴徘徊騁遐矚冲襟鬱以怍樂此澹忘歸鳳  
歌有餘清意豁內無滯神凝外奚營因思古靈  
智昭曠多遠情楊雄守吾玄莊周達其生睨彼  
人間世栖栖竟何成

對酒偶然作

孰云天地仁斯言哲所疑馳暉逝徂晏大鈞無  
停機膏沐潤萬物霜露亦已摧營瘁反覆掌衆  
動誰久持以彼亭毒功獨復不憐斯營營勞其  
生僅免渴與饑返者毋乃真來者毋乃疲彭殤



本同調失路同所期忘憂藉樽酒貧或耻空壘  
食霞住顏齡遁天吾誰欺那如任情志浮雲隨  
所之無論生與滅至道良在茲

與金文學陸山人約遊君山余後期途遇

還舫因携復遊

子從君山遊駕言事窮討我行適云後遇子已  
返棹去來互相逾輕舸疾於鳥已復各延住還  
擬共携眺弭檝忽遵麓歷險更窺巖與興隨地勝  
遙境以神曠妙江流浩湯湯雲樹何縹緲幽澗  
鳴环禽層阿被瑶草一雨潤群芳巖際餘返照  
凭軒澹忘歸踈鍾動林杪

崇蘭館集

卷之一

十一

二百九十四

九日同莊進士陸太史二丈宴龍潭佛閣

芳晏敞東林圓暉在西樹岑閣迥寒潭俯瞰潛  
蚪處佳辰九日臨朋儔偶萍聚聯輶驚脩坳歷  
覽山川趣緬追昔賢蹤言採登高賦曠懷薄秋  
旻翹羽思冲舉廻軒激層飈蕭然浣煩慮興闌  
坐跣趺還理無生語劫窮干地餘心空四禪喻  
睇彼時菊芳燁如散花雨梵響發崇阿解赴繁



絃會行樂及辰良  
冥心欣所遇始知靜者蹤  
伴忘醉鄉侶從茲去來頻  
并與心無住

新葺崇蘭館言適二首

偶然葺斯宇窈窕垂堂陰  
度廣取容膝爲高不逾尋  
中虛隱昭曠薄帷間幽深  
小閣俯數屢巡檐易窺臨  
貯水激流泉竇土列遙岑  
游儻有餘樂鳴鶴來遠音  
蘭若乍盈把嘉木未成林  
何以延求日素書與瑤琴  
倦輒欹枕眠醉或據梧吟  
非將恣踈放聊以舒煩襟

崇蘭館集

卷之二

三十一

三百五十一

索居感節候馳暉逝徂晏  
始見青陽移復此朱明變  
高槐蔭扶踈圓荷冒清淺  
別館傍幽葩繁香坐來遍  
一雨几簾清崇朝徑蒙蘚  
鑿牖支胡牀迎風代紈扇  
軒車日以踈荆扉晝還偃  
夢寐羲皇遊俛仰適所便  
已矣懷采芝求謝區中羨

夢遊山莊一首

憶違故山遊夢寐在山麓  
古木入青谿綠源凡幾曲  
蒼莽望始迷逶迤路應熟  
負杖出荆榛悠然憇深竹  
絕壁四無隣縱橫兩三屋  
斷斷窓戶



聞白日下麋鹿瞰險石妨墮探叢鳥驚宿乘月  
棹前流披雲嘯空谷耿耿懷昔娛依依暢今矚  
忽覺聞曙鐘虛堂壁篝燭神往形獨牽意長晷  
仍促端媿塵中人曠覽未遺俗

題四皓圖爲沈大叅

落日園綺倫豹隱深山霧長歌行采芝浮雲薄  
珪組人主高其名招之不肯顧智哉留侯謨蒲  
輪遵蕙路朝野覲容儀褻然成四輔哲士厄嘉  
運握瑜混儔伍出處亦何恆所倚安危故服食  
崇蘭館集卷之一  
二十四  
二頁半

事長生世爲神仙誤何如應休明策勲照千古

絕交篇

古人重交期生死逝共之如何金石要一旦成  
睽攜伐木歌未竟投杼志已疑令終古所難並  
立多町畦鄙人不可作惠子寧我知寄言得朋  
者懂懂從爾思

爲郡諸大夫索贈袁太府

中夏變氣候膏雨泄煩蒸土踈草木茂負耒閱  
嚴耕倦歸未遑飯閭胥遲中庭鍾甌不盈篝公



輸日繁興民勞亦已甚卒歲終鮮營入山廿年  
來時事迄屢更所希司牧賢日夕播仁聲于忽聞  
易長吏去住關我情遽遽攝衣冠招搖望飛旌  
把酒臨路隅夙駕鶩脩垆惜別既云已曠言返  
柴荆索居良獨難有抱孰與傾憂來不能寐何  
由計昇平

贈別張少府

微薰播清和群芳一以茁感時懷所欽瑤草尚  
堪折喟然愴離筵踟躕乍弭節張旃集群寮煌  
煌具時哲疇咨神理方寅恭戒陳列余本放浪  
人投簪窟巖穴珪組幸追攀芻蕘蒙采擷民瘼  
迫詢謀聖謨屢宣說坐每右我冠門或停高轍  
喟焉歎睽携參商間吳越群公互歛噓予懷愴  
仍烈達人曠前期兒女戀將別願以羔羊篇相

現代歌闕

漫賦

妾本名家女被服耀明姿中歲奉君子婉孌時  
有宜錦衾懽未畢傍人妬蛾眉逝當遠行邁毋



氏方倚閭因之乞歸寧駕言守空閨罷啟匣來  
鏡慙纓結時懽強顏對綠綺莫緩生別離棄置  
那復道貞亮耿不移

贈李義士仕惠還贛

仕惠與唐進士

少梁

卒於途攜其柩歸事甚悼吾鄉人義之余故有贈事詳詩中

古道久不振流波日靡漫雲雨反覆掌繫誰障  
狂瀾虔南有高士亮節獨桓桓中歲走東粵挾  
質冶遊盤傾蓋邁所欽金石締交懽把袂一嘯  
歌俛仰天宇寬奄忽厄嘉運中林鏃羽翰永言

崇蘭館集

卷之一

廿六

間存歿憇不途人看倒囊具含殮携櫬返江干  
艱哉五嶺道駛矣瀟湘湍陟巘降原隰腋頸膚  
無完行者勞已竭逝者魄乃安主人逆之野顛  
天涕潺湲碎首謝明恩里巷胥來觀胠篋歸所  
遺手澤勒未刊衆咤客子哲孱然藐儒冠氣槩  
一何雄能爲古所難還珠鬻乘馬青史同不刊  
志將鬼神泣義凜冰霜寒吾景斯人徒擊節起  
長嘆

劉文安公榮哀錄十首



阿保極崇階鴻名詔殊典匪伊功德隆兼茲良  
獨鮮猗與文安公誕起明時彥八座既登庸三  
曹逾更踐崢嶸石渠編紉繹蘭臺獻存沒具哀  
榮 皇情眷彌腆

秩祀國有常隆殺亦異數公抱匡世資所倚安  
危故傷哉愍不遺陟降在茲宇勲將垂鼎彝禮  
合登尊俎柅鬯薦明禋琅函籍天語洞酌漑重  
冥洪波浩如許

嶽降既儲英山頽合藏魄 聖王念耆黎崇封

崇蘭館集

卷一

二七

三百五

貫玄宅金錢內府頒秘器東園給綿綿尚書汗  
詵詵省郎役九原不可作宿草春暉易馬鬣臨  
路隅瞿瞿過者式

伊人既遐逝騎箕叩天闥三事已登陟寵渥屯  
未申 帝心不憖遺悼徃旌貞臣鳳誥騰煒煌  
渙汗一以新遺忠耿無寐幽寘路何因明良德  
終始千載揚清塵

浮生等栖塵不朽在金石君侯邁嘉運揚休樹  
明德歿齒歸今名穹碑表遺蹟 宸藻鬱雲蓋



鐫詞屹林立允詒甘棠思寧慙峴山勒巋歸隊  
道旁聲光耿無斲

微言息已久大雅何寥寥斯文竟誰嗣蛙在群  
然囂卓彼文安公蜚英譽時髦藝苑六十載摛  
詞放瓊瑤撰述屬宗工爾雅追風騷尺牘世爭  
購高名薄煙霄

崇德禮有初祭社文沿古哲人既已淪匪是靈  
焉妥卜宇城西隅平生燕遊處紫巖鬱差峩踈  
檣抗孤嶼子孫既駢羅章縫亦時聚太祝儼司  
崇蘭館集 卷之一  
存溪毛薦行路

世德齒荀陳專經重章杜棣萼盡朱輪蟬聯耀  
金紫遡彼三晉來奕葉芳誰嗣文安既鴻騫後  
先迹鱗次星經奎壁墟亦聚仁賢里鼎甲籍雲  
仍聞家照青史

式廬景商賢彰善存周道矧伊三物俱興望歸  
元老榮名鏡當年高朗終壽考表儀肅群僚兢  
兢德彌邵華棖蠹高雲璇題揭行曜於以樹風  
聲庶俾來者效

賢序禮教區闕宮閑且雍別營簡儒哲祠事儀  
孔崇公守尼父訓劬奉君終爵匪章服貴賢  
豈鄉閭推德音遐不渝洋洋被笙鏞盥薦肅端  
甫多士爭趨風



